

1º EXERCICIO: PARTE COMÚN

INSTRUCCIÓNS:

- 1.- Non abra nin lea o interior deste caderno ata que se lle indique.
- 2.- Esta proba consiste nun cuestionario non eliminatorio sobre o contido da parte común do programa, de 10 preguntas tipo test con 2 de reserva, que deberán ser contestadas a continuación do recadro "Común" entre os números C1 e C12, da "FOLLA DE RESPOSTAS".
- 3.- O tempo total de realización do exercicio, é de **15 minutos**.
- 4.- Todas as preguntas teñen catro respostas alternativas, sendo unha a correcta. As respostas correctas sumarán **0,50 puntos**, as non contestadas non terán valoración algunha e as contestadas erroneamente restarán **0,125 puntos**.
- 5.- Comprobe sempre que o número de resposta que sinale na "FOLLA DE RESPOSTAS" é o que corresponde ao número da pregunta do cuestionario.
- 6.- Este cuestionario debe utilizarse na súa totalidade como borrador das respostas elixidas, para non marcar unha resposta ata estar totalmente seguro/a.
- 7.- A resposta correcta marcarase cun **X** ben feito dentro dos límites do recadro. De ter que anular algunha resposta, o recadro da resposta que se marcou incorrectamente ten que encherse por completo.

Unha vez que se anule, xá non poderá recuperarse de novo dita opción de resposta.
- 8.- Ao rematar o seu exercicio, coloque este cuestionario no chan e espere as indicacións para realizar a continuación o seguinte exame, en unidade de acto. Cando finalice todos os exercicios deberá entregar a "FOLLA DE RESPOSTAS" no lugar que lle indique a organización, onde lle entregarán a última folla autocopiativa. Ao abandonar o recinto **NON** poderá levar ningún cuestionario de preguntas. O Servizo Galego de Saúde facilitaralle o acceso aos mesmos a través da páxina web: www.sergas.es, logo de finalizados os tempos de exame.

**LEA DETIDAMENTE AS INSTRUCCIÓNS
QUE FIGURAN NO REVERSO DA FOLLA DE RESPOSTAS
PARA O SEU CORRECTO ENCHEMENTO**

EXAME EN GALEGO

1. Con respecto á regulación da xornada de traballo no Estatuto Marco, cal das seguintes afirmacións é falsa?:

- A) Sempre que a duración dunha xornada exceda de seis horas continuadas, deberá establecerse un período de descanso durante a mesma de duración non inferior a 30 minutos.
- B) A duración máxima conxunta dos tempos de traballo correspondentes á xornada complementaria e á xornada ordinaria será de 48 horas semanais de traballo efectivo de media en cómputo semestral, agás que mediante acordo, pacto ou convenio colectivo se estableza outro cómputo.
- C) No serán tomados en consideración para a indicada duración máxima os períodos de localización, agás que o interesado sexa requirido para a prestación dun traballo ou servizo efectivo, caso no que se computará como xornada tanto a duración do traballo desenvolvido como os tempos de desprazamento.
- D) A xornada complementaria no terá en ningún caso a condición nin o tratamento establecido para as horas extraordinarias.

2. De cantos artigos se compón a Constitución Española de 1978?

- A) 150.
- B) 166.
- C) 169.
- D) 180.

3. Pode a lei de sanidade establecer dereitos e deberes do persoal médico respecto á saúde pública?:

- A) Si.
- B) Non, deben regularse en todo caso mediante real decreto con maioría de 2/3 dos membros do Congreso.
- C) Si, pero soamente a través dunha lei orgánica.
- D) Non, ao ser competencia do colexio profesional respectivo.

4. Segundo o disposto polo Decreto 206/2005, sobre os requisitos para a provisión de postos de xefatura e coordinación de persoal licenciado sanitario, cal é a opción verdadeira?:

- A) Os aspirantes deberán acreditar un mínimo de dous anos de experiencia, na categoría ou especialidade esixible para o acceso ao posto, nas institucións sanitarias do Sistema Nacional de Saúde.
- B) Os aspirantes deberán acreditar un mínimo de tres anos de experiencia, na categoría ou especialidade esixible para o acceso ao posto, nas institucións sanitarias do Sistema Nacional de Saúde.
- C) Os postos de xefatura das unidades ou servizos de atención primaria serán cubertos en todo caso por un profesional adscrito aos mesmos.
- D) Ningunha é correcta.

5. Segundo a Lei galega 3/2001, de 28 de maio, reguladora do consentimento informado e da historia clínica dos pacientes, cal das seguintes opcións é correcta?:

- A) A presente Lei seralle de aplicación a todo tipo de asistencia sanitaria que se preste na comunidade autónoma de Galicia só nos centros e establecementos sanitarios públicos do Servizo Galego de Saúde.
- B) A presente Lei seralle de aplicación a todo tipo de asistencia sanitaria que se preste na comunidade autónoma de Galicia só nos centros e establecementos sanitarios públicos ou privados concertados co Servizo Galego de Saúde.
- C) A declaración de instrucións previas deberá formalizarse mediante algún dos procedementos seguintes: ante notario ou ante dúas testemuñas maiores de idade e con plena capacidade de obrar, dos cales un, como mínimo, non poderán ter relación de parentesco ata o segundo grao nin estar vinculados por relación patrimonial co outorgante.
- D) Todas as anteriores son falsas.

6. Segundo o disposto no artigo 43 da Constitución, a quen compete organizar e tutelar a saúde pública?:

- A) Ao Goberno.
- B) Ás Comunidades Autónomas.
- C) Aos poderes públicos.
- D) Ás Cortes Xerais.

7. Segundo o Estatuto de Autonomía de Galicia, cal das seguintes afirmacións é correcta?:

- A) Os idiomas galego e castelán son oficiais en Galicia e todos os cidadáns galegos teñen o deber de coñecelos.
- B) A bandeira de Galicia é branca cunha banda diagonal de cor azul que a atravesa dende o ángulo superior dereito ata o inferior esquerdo.
- C) O Parlamento de Galicia fixará o seu propio orzamento, tras a aprobación previa do Consello da Xunta.
- D) Ningunha das opcións anteriores é correcta.

8. Segundo a Lei de prevención de riscos laborais, os Delegados de Prevención serán designados por e entre os representantes do persoal. En caso de empresas de 101 a 500 traballadores, que número de delegados será designado?:

- A) 1 Delegado de Prevención.
- B) 2 Delegados de Prevención.
- C) 3 Delegados de Prevención.
- D) Ningunha das anteriores é correcta.

9. De acordo coa lei de Saúde de Galicia, dentro das súas respectivas competencias, teñen a condición de autoridade sanitaria:

- A) Só o Consello da Xunta de Galicia e a persoa titular da consellaría con competencias en sanidade.
- B) Só o Presidente da Xunta de Galicia e a persoa titular da consellaría con competencias en sanidade.
- C) Só o Consello da Xunta de Galicia, a persoa titular da consellaría con competencias en sanidade e os alcaldes e alcaldesas.
- D) Ningunha das opcións anteriores é correcta.

10. Segundo o Estatuto Marco do persoal estatutario dos servizos de saúde, que situación administrativa das seguintes dá dereito ao cómputo de tempo a efectos de antigüidade e carreira, no seu caso, á percepción de trienios e á reserva da praza de orixe?

- A) Servizos especiais.
- B) Servizos baixo outro réxime xurídico.
- C) Excedencia por prestar servizos no sector público.
- D) Ningunha das anteriores.

Preguntas de reserva

1. Segundo o Estatuto de Autonomía de Galicia, cal das seguintes opcións é verdadeira?

- A) A iniciativa lexislativa corresponde exclusivamente ao Parlamento de Galicia.
- B) O Consello da Xunta ten entre as súas funcións fixar o seu propio orzamento, así como o correspondente ao Parlamento de Galicia.
- C) O Presidente da Xunta será elixido polo Goberno Galego de entre os seus membros e será nomeado polo Parlamento de Galicia.
- D) Ningunha das opcións anteriores é correcta.

2. Segundo o Estatuto Marco do persoal estatutario dos servizos de saúde, cal das seguintes afirmacións é correcta?

- A) Ao persoal estatutario temporal seralle aplicable, en todo caso, o réxime xeral do persoal estatutario fixo.
- B) O importe anual do complemento de destino aboarase en 12 pagas.
- C) Si se realizaran máis de dous nomeamentos eventuais para a prestación dos mesmos servizos por un período acumulado de 18 ou máis meses nun período de dous anos, procederá o estudo das causas que o motivaron, para valorar, no seu caso, se procede a creación dunha praza estrutural no cadro de persoal do centro.
- D) Ningunha das opcións anteriores é verdadeira.